

斷白
大字本

幼科痘疹金鏡錄

上海文成書局
印行



斷句大字本

幼科痘疹金鏡錄

上海文成書局印行



印年五十國民



增補痘疹金鏡序

人稟天地陰陽之氣以生。而有餘不足。或肇自先天。或原於失養。外因內傷。病變無窮。然小兒雖無七情。而內傷惟乳居多。至六淫外侵。與大人無異。但疾苦痛痒。不能向父母而悉告之。所以調治倍難也。古人云。寧醫十男子。莫醫一婦人。寧醫十婦人。莫醫一小兒。蓋謂此耳。醫有望聞問切。若孩抱之兒。週歲未幾。血氣未充。惟風寅氣卯。命辰三關。略有可憑。而望色聞聲。表裡洞然矣。故五藏皆列于頭面。而啼哭叫呼。聞其音之清濁長短。而病之寒熱虛寔。莫不悉現焉。若痘疹。總憑色象。以知吉凶。辨症候。蓋痘疹之出。雖有五藏六府之分。要皆遺毒肇自先天。發出之時。無非因內而達於外者。余先大人汝霖公。博覽羣書。嘗謂余曰。幼科方書。惟金鏡錄一冊。可謂約而該。簡而明矣。余亦每閱是書。其中歌括并賦。詞類方。極其指示詳明。美善兼盡。絕無偏寒偏熱。偏攻偏補之弊。誠後學之津梁。痘科之明鑑也。但其書購取者頗多。傳世甚久。近見坊間類多殘缺。余甚惜焉。適有客出書。向余叅訂。欲重刊行世。余幸其福世不淺。酬應之暇。即揮汗攷正。不自覺其倦之何以忘也。志學君子。尚亦與余有同情耳。是為序。

增補痘疹玉髓金鏡錄

申明貫珠攢簇怪痘

痘不在乎稀。得勻朗散布。雖多何害。若連串貫珠。有形相似。而雜乎其間者。若堆聚攢簇。有象可名。而間乎其內者。有一於此。空地雖多。亦何取焉。須知梟毒深藏。氣血錮閉。毒無領戴。痘不得透。故多隙地。內却受其殃。其貫珠攢簇者。梟毒沖突。氣血不能駕馭。一任毒之縱橫。凝結成條者。外見連串貫珠。團結成塊者。外見堆聚攢簇。誠中形外。信不誣也。是毒頑而不鬆。伏而不出。猶賊之巨魁也。此毒不治。諸痘皆為抗拒。治不以攻。治之何益。巨魁授首。前途不戰。有倒戈之勢。然世於貫珠者。習矣不察。而多忽於攢簇者。歸咎於命。而棄絕焉。興言及此。亦慘甚矣。庶狀其圖像。或得觸目惊心。詳其治法。或得挽回萬一。未必無小補云。

異形痘症圖像

游蠶




是痘貫珠成條其形如蠶故名游蠶有稀密有長短身上者輕頭面者重身上短而稀所見無多者輕長而密更繁多者重重則必攻令鬆透如一赤豆莢其痘方起

窩燕




是痘攢簇纍々象似燕窩而名者也單見尚重見而不一者不治急攻之務令鬆抬如餅其毒方化以油胭脂調入化毒丹用綿紙攤貼再佐以猪尾膏大桑虫

錢蠶



是痘圓々攢簇絕不成點如錢許之大故名之也僅見二三者輕多見則重重則必攻亦以葯胭脂膏封貼更加猪尾膏大桑虫十劑內透之令毒如蒸餅其毒方透

雁行




雁行者狀似游蠶但曲而甚長其排行而若雁字也單見者亦重不一者更重攻達之鬆若游蠶而毒化矣

鼠跡



是痘或四五粒。或六七粒相簇如鼠跡。故以是名。不多者輕。見於周身者重。重則必攻。令相併成泡。其毒方鬆。劑內調入化毒丹。並猪尾膏。

蘇沙



蘇沙者。其痘扁濶歪斜。無頂無盤。有細點如沙。攢簇于囊。宛似蘇沙。而名之也。可以數計者輕。徧及者重。重則必攻。務令高抬如茨實壳。其毒方化而成漿。

珠殼



珠壳者。其痘有頂而平。四圍貼附一細圈。宛如珠壳。無多者輕。及于周身者重。重者必攻。務令滿綻尖圓。其毒乃透。

蟬爪




蟬爪者。貫珠連串。粒細一粒。尖稍有隱隱黑絲如髮。竟與蟬爪無異。少有者輕。繁多者重。重則必攻。其形統脹成條。而毒盡洩矣。

鳥跡




鳥跡者連串二條頭簇脚開其痘若鳥之跡也一見尚輕至五六處則重重者必攻亦如游蚕鬆透為準

蛇皮



叢簇成片散漫無拘似蛇皮而名之也見此不治或見點之初灯下照之隱隱簇簇細密無倫將形未形之際即使攻之佐以猪尾膏破之不使其成庶可有為

履底



履底者形似蛇皮不若蛇皮之散漫隨處皆凶其形得小更得早治庶可有為速以猪尾膏加入攻毒剗內并大桑虫透之急以油胭脂膏封貼令得膿水淋漓方能有生

蟾窩



蟾窩者較迭錢而更大也另別其名者其形亦更重也其毒佐以大桑虫猪尾膏外以油胭脂貼之得鬆泛平抬方可成膿

螺 疥



紫 背



環 珠



覆 金



其痘頭大根尖頂黑形如螺肉深入於肉裡有大小有淺深按其四圍板硬治法見於餘毒若放點時而即見者最惡先以針鬆即將應服之藥大人含于口中吮其數次隨用貼法斑形似萍其色似萍之背紫而帶黯有大有小目視之有點手按之無形少有已重繁多者莫救急宜攻毒破瘀務令漸淡淡而退去方可回生須及早圖之

是痘連串環繞故以是名臂因蠲阻痘即如蠲而繞之項以圈繫痘即如圈而聚之於臂稍輕於項則重內阻尤重無因更重非特項臂為然頭上身上亦有之凡見宜攻

是痘盤聚于巔頂如釜之覆故曰覆釜是毒泰陽位之症也其餘疎朗明潤者以鬆机通聖散和猪尾化毒丹治之外用胭脂搽貼如稠密大熱者必加大黃令膿水腐爛其毒方化

兩截



蒙頭



纏腰



是痘上與下綿密如鋪中設絕無一點臭毒擁於上下。氣血阻於中宮。以致上下隔絕。痘之最惡者也。首尾一以攻毒為主。宜以猪尾膏地龍

令氣血疎通。要截處得散透點。方可挽回。是痘繞頭貫項。有似兜帽。故曰蒙頭。毒未陽位之首惡也。如更稠密大熱者不治。治則必攻與覆釜同法。必早治可挽。有獨聚于天庭者。亦是蒙頭。餘若疏朗明潤。身不大熱者。不必用大黃。

腰者腎之候也。連環串繞於此。緣毒伏於腎。而有此象。貫珠之最惡者也。餘即疎朗。不得視為美。治必以攻。攻得鬆抬。統成一團。如豇豆莢。方不為害。否則痘縱可觀。九朝忽見悶。亂變焦紫而槩矣。

托腮



鎖口



鎖項



頷下亦腎經所屬。痘瘡攢成一片。是謂托腮。清氣為其所阻。頭面必不起身。更可知。疫癘氣喘。可立而待。從來不治。若見點之初。毒勢未成。以治蒙頭法治之。亦可救一二。速宜封貼。

雙鎖口者。二口角左右一粒。較旁痘獨大。板定而無盤者是也。此毒壅于脾。而有此象。口乃脾之竅。飲食接受之門。可令毒藏此地乎。治法輕重與覆金同。有連串繞于上下唇畔者。亦是。

項係水穀之路。呼吸出入之門。痘瘡連串環繞於此。是毒鎖咽喉。與托腮無異。咽啞水噎。皆由此致。俱屬不救。但得放點之初。即以清金攻毒。飲并猪尾膏。杜患於將萌。容或有可起者。

背攢



腹囊



胸攢



毒發于背。便閉生死。况痘疹攢簇。隨地皆凶。而可令此地犯及乎。攢而得鬆者。以鬆肌透毒散。合化毒丹。猪尾膏治之。外用胭脂膏貼之。攢而硬板壯熱如火者。必攻之。須得腐爛方可慶生。

腹近五內。猶之同室也。與他處不同。一有變症。毒即入裡。捷于反掌。但此地空隙。而未得為吉者矣。未有此間聚如囊而得無恙者也。治法與攢背同。

胸與腹逼近藏府。攢胸猶之囊腹耳。調治之法與攢背同。

咽 關



抱 膝



鎖 唇



咽關當喉攢簇而犯憂錢者也。若蟻窩則尤重矣。咽與項皆水穀之路。呼吸出入之門。其害與鎖項無異。鎖項之害。病在環繞咽關之害。病在攢簇治法與鎖項同。更以胭脂膏貼之。兩膝攢簇如餅。毒聚于此。漿不能達足脛。兩致虧于一簣。餘地無疵。更無內症。止以鬆肌透毒散加牛膝。合化毒丹治之。并胭脂膏貼之。如有惡象二症者。則必攻。

唇者脾之華。脾藏安和。痘不相及。自得溫潤。否則攢聚于此。有黃熟如蠟。有嘴突如雷。有黑硬燥裂而血迸。皆毒攻于脾。象見于唇。如無他症。瀉黃散合猪尾膏治之。更壯熱如泡者。必攻。

蒙 骹



披 肩



抱 髻



痘攢簇於耳後高骨。是謂蒙骹。亦腎經伏毒之一徵也。頭面及他處皆稀。止此犯忌。以鬆肌透毒散加元參。合化毒丹猪尾膏治之。外用貼法更稠密而泡熱者必攻。

披肩者。如其肩而兜聚也。較之於背似輕。然藏府真氣所聚之處。即鼠跡蘆沙尚屬可畏。而况攢布成片乎。此毒不鬆。真氣錮閉。上下阻塞。治法與攢背同。

髮接太陽。臬毒起伏。于此取驗。痘症若重。鬢即稀疏。必此地掀腫如蓮瓣。以及正面腫脹如毯。毒根方透。否則此地不脹。即通身充壯。毒根猶伏。厥後終敗。令犯忌於此乎。治法與蒙骹同。

鱗坐



毳囊



鱗坐者。其臀攢集如鱗也。穴屬環跳部位。又至陰之地。故發漿不過環跳者不治。平而乾滯者。鬆肌通聖散加牛膝。板而紫滯且熾熱者。涼膈攻毒散減豆根亦加牛膝。俱合化毒丹並貼法。痘得陰陽和暢。雖密無妨。陽毳乃下焦陰陽交會之所。故陰上先收者吉。取其下焦和暢也。於此若囊毒壅交會。可知上下相因。下壅則上閉。治以散結湯化毒丹熾熱者加大黃石膏。

備用良方

清肌透毒湯 治痘瘡已發未發。為風熱所感。腠理阻塞者。此湯主之。

荊芥穗 三分 乾菊 八分 前胡 一錢 桔梗 四分 甘草 二分 山查 二錢 蟬蛻 三分

生姜 一片

鬆肌通聖散 治痘腠理阻塞。血凝氣滯。顆粒隱隱于肌肉之間。痘色乾紅晦滯。神情悶甚者。此湯主之。

羌活 荊芥 紫草 紅花 牛蒡子 木通 赤芍 地丁 青皮

山查 蜂房 當歸 防風 各等分 加蘆筍胡荽

攻毒飲 即瀉黃散 治痘瘡大熱如火。紫艷深紅。煩渴顛狂者。此湯主之。

石膏 三錢至一兩 黃連 一錢至三錢 大黃 三錢至六錢 木通 紅花 荊芥穗 各四分 牛蒡

子 一錢 犀角 磨汁 桔梗 甘草 丹皮 一錢 青皮 七分 生地 五錢至一兩 地丁 一錢

加灯心草 一分

清金攻毒飲 治痘毒壅於脾。聲音不清。喉間痛楚。煩渴壯熱。痘不起者。此湯主之。

桔梗 甘草 牛蒡子 大黃 玄參 前胡 枳壳 山查 蟬蛻
僵蚕 山豆根 荊芥穗 加灯草一分
涼膈攻毒飲 治痘熱毒壅于上焦胸膈煩悶發渴壯熱揭衣棄被痘色紫艷
深紅者此湯主之

大黃 黃連 石膏 荊芥 地丁 元參 焦山桅 赤芍 生地

桔梗 木通 甘草 牛蒡 薄荷 枳壳 加灯草一分 竹葉三十片

神應奪命丹 治痘瘡毒盛透發不起者 辰砂一兩囊于白砂內 外配升麻

麻黃各五錢 紫草連翹各一兩 四味同入絹袋中 于砂鍋內用新汲水桑柴

火煮一晝夜 取出辰砂研末 仍將煮砂藥汁以綿濾清 曬乾為末 聽用

散結湯 治痘血滯氣滯色乾紅而囊不鬆者

赤皮 羌活 赤芍 紫草 地丁 山查 荊芥 升麻 川芎 甘草

牛蒡 丹皮 加蘆根十株 鮮芋頭三個

猪尾膏 治痘瘡如麻芥實而不鬆黯而不光諸般惡點惡色惡症累日不起

者用小雄猪尾取血少則蛤壳多則一盞以絹絞淨每盞和梅片二分即調



北京中國醫藥大學圖書館藏